

rogatiunculis, quasi aculeis quibusdam, ita te pungam, tum retro cedentem ad incitas redigam, ut hanc ipse opinionem falsissimam esse, nisi Ecclesia universæ errorem velis impingere, fateare. Si hæc opinio tibi falsa non est, erit sane probabilis. Annuis. Age vero, si videtur probabilis, fieri ne potest, ut vera sit? Dabis, opinor, libenti animo, quod ipse optas. At si vera esse potest, Ecclesia poterit pervidere argumenta, quibus veritas illa nititur, eamque tandem definire. Hoc etiam debes admittere, si Theologi more disputas, nec politicum agere tibi placet. Nunc ita conficio: Si Ecclesia opinionem hanc tuam definiret, eo ipso declararet, se se olim errasse, cum Deiparae immunitatem publico honore est prosecuta. Atqui Ecclesiam in hoc errare non posse invicto arguento probatum est. Præterea ex opinionis tua definitione consequens es et, qui piam sententiam deinceps teneret, cum hæreticum esse dicendum. Atqui hoc dicere judicavit erroneum Sixtus Quartus (a). Non potest igitur fieri, ut ullo tempore definitur opinio tua. Quod si non potest definiri, vera esse non potest. Quod autem constat verum esse non posse, id ipsum liquet esse falsissimum, nullo modo probabile. Opinionem igitur tuam fateri debes esse falsissimam, nisi Pontifici, & Ecclesiæ universæ errorem velis impingere.

Sed & erroneam illam ipsam vocare nihil me verat. Cum enim veritas aliqua sapientum fere omnium opinione, vehementi veritas est doctrinæ Catholicæ, sed non est plane ab Ecclesia definita, tunc veritati illi adversari est erroneum. Est autem hujusmodi pia sententia. Nam qui repugnant, esse admodum paucos ipse fateris. Similiter quod ex doctrina Catholicæ necessario colligitur, vel est inclusum in generali propositione doctrinam Catholicam continentem, id profecto negare erroneum est. Hæc autem propositio, *Maria Virgo immunis fuit ab originis labe*, continetur hac generali propositione doctrinæ Catholicæ, *Quidquid colitur ab Ec-*

(a) *In Bulla 2. & 3.*